









噬嗑而博封禪詩矣乎故謂其利也臨十嘗也

兒易內儀以卷之三

由氣通之妙名

明上虞倪元璐著

### 噬嗑三三

噬嗑亨、利用獄。○初九、履校滅趾、无咎。○六二、噬膚、滅鼻、无咎。○六三、噬腊肉、遇毒、小吝、无咎。○九四、噬乾肺、得金矢、利艱貞、吉。○六五、噬乾肉、得黃金、貞厲、无咎。○上九、何校滅耳、凶。

象曰、雷電噬嗑、先生以明罰勅法。



先河後海

儀曰口噬齒合則齒物致決故用之以明罰勅  
 法凡易之言刑者五責曰無敢折獄豐曰折獄  
 致刑旅曰明慎用刑而不留獄中孚曰議獄緩  
 也無敢折獄者言刑措也折獄致刑者言斷決  
 也明慎不留者言無滯獄也議獄緩死者言矜  
 恤也明罰勅法者言五罰五刑著為律令也西  
 卦皆曰君子噬嗑獨稱先王者此以斷獄歸才  
 立法循典原本古初非後王之智可得為也凡

子瞻易傳  
 厚以別解  
 其云云  
 柔而不剛  
 如噬之傳  
 有勢之必  
 拒也則君子  
 以不拒為大  
 真妙

閱實則有五刑疑赦則有五罰六爻之著易之  
 三章也屢較滅趾者荆之屬也噬膚滅鼻者剝  
 之屬也噬腊肉噬乾肺噬乾肉者墨宮之屬也  
 何較滅耳大辟之屬也是之為五刑得金矢得  
 黃金者周禮以兩造禁民訟八束矢於朝然後  
 聽之以兩劑禁民獄八鈞金三日乃致于朝然  
 後聽之舜典金作贖刑呂刑墨辟疑赦其罰百  
 鍰劓辟疑赦其罰惟倍荆辟疑赦其罰倍差宮



穆王竹呂

刑為力哀

於之意惻

於可危第

五刑樂之

而守執虜

皆得思還

乃知

辟疑赦其罰六百鍰大辟疑赦其罰千鍰是之

為五罰五罰之曰明罰也五刑之曰勅法也贖

罰有五易獨二者穆王之寬不及周公之正也

五刑之中刑剝差輕大辟為極輕可不原極不

聽贖乾肺乾肉以象求之殆是宮刑宮至絕嗣

小輕于辟大甚于墨刑剝生歿之疑獨宜贖耳

噬肺噬肉矢金救戕遇難能免故曰利艱貞吉

曰貞吉无咎滅趾滅鼻戕矣猶曰无咎腊肉遇

周之立

此後之可

後也益服

先生之法

典之意

毒以象求之殆為墨辟以肉麗面為攝全體故

取諸腊腊者全體骨為之也以點涅之故曰遇

毒小吝而猶曰无咎此四者聖人幸其不歿冀

其補過至于大辟滅耳則无望矣故曰凶也治

獄之道勿辟勿宥咸中有慶罰以求通法以明

利亨利用獄斯之謂與

賁 三三 安步以學車女將取初九

賁亨小利有攸往○初九賁其趾舍車而徒○六二



賁其須○九三賁如濡如永貞吉○六四賁如皤如  
白馬翰如匪寇婚媾○六五賁于丘園束帛戔戔吝  
終吉○上九白賁无咎

象曰山下有火賁君子以明庶政无敢折獄

儀曰明庶政无敢折獄者蓋言政明則刑自措

雖有法吏无敢施其折獄之能使天下不喪法

吏而法吏良名義鬼神斯真文明之象故歸之

賁也仲尼既明卦德又審爻占初之賁其趾舍

二 禮 刑 風

車而徒者猶詩之曰予曰有奔奏也行人之官  
駢駢靡及天子采風問俗周知天下必取諸此  
也二之賁其須者猶詩之曰猗歟變兮清揚婉  
兮鬢眉飾外而可觀禮儀之事吉凶軍寶嘉之  
燦者也三之賁如濡如永貞吉者猶詩之曰芄  
芄黍苗陰雨膏之膏澤下民沾暨永世地官遺  
入掌邦之委積以恤民難厄凶荒惠政之大者  
也四之賁如皤如者皤白色也兵於色為白白



馬翰如者。猶詩之曰四牡騤騤。匪寇婚媾。者猶  
 詩之曰我祖維求定。夏官司馬量馬三物。建軍  
 五兵。是其政也。五之賁于丘園。束帛。芟芟者。猶  
 詩之曰吹笙鼓簧。承筐是將。芟芟者。虞翻曰委  
 積。或曰顯見也。玄纁禮賢。太宰之職。八統之一  
 曰禮賓者是也。庶政之明。賁若艸木。內治本計  
 非為飾也。故上曰白賁无咎。猶詩之曰素以爲  
 絢兮也。無政不舉。而獨無折獄刑名之事。由其

# 武學

## 殺而

### 周

#### 乃大得志

#### 刑於

#### 刑而

#### 乃

#### 之鼻

時天子尚德。緩刑。而其下不敢以擊斷為功。并  
 無明平之可舉耳。此知刑獄者。文治之所攬也。  
 故彖曰賁亨。小利有攸往。政明故亨。獄清故利。  
 攸往。君子道通。而小人亦有所措。其手足以為  
 文。則莫文于此矣。  
 辨音辨。林幹也。  
 剝不利有攸往。○初六剝牀以足。蔑貞凶。六二剝牀  
 以辨。凶。○六三剝之无咎。○六四剝牀以膚。凶。○六



五貫魚以宮人寵无不利○上九碩果不食君子得與小人剝廬

象曰山附於地剝上以厚下安宅

儀曰上以厚下安宅者下之不厚宅何能安夫

情佛屋

物之剝者多矣而致專于牀者蓋君子觀乎在床而知陰之剝陽也陰之剝陽由陽昵陰故循

漸稱之初剝牀足剝于是乎始既剝牀辨剝于是乎盛既剝牀至盡而不知咎剝于是乎不可

是乎盛既剝牀至盡而不知咎剝于是乎不可

循王庚改

周陳之隋

剝牀以足

可畏哉

上者古存不

急衛其是

察終而剝人及膚剝于是乎不可救其極于膚

由于足之无律足在下者也厚下者使下不受

剝下不受剝宅即以安此在持剝之道以義制

情以義制情雖使宮人之寵貫魚日進而床不

受剝何不利之有人有寵而宮无尤是亦為下

厚而宅安也碩果不食碩言乎其厚果以碩不

食下以厚不剝君子得與是衆載君子而其下

厚矣不若小人剝廬薄下而宅不安也象曰剝



提厚下之不利有攸往苟宅之安他往何為苟宅之不安

身而護之他往何利乎是故貴其厚下也下者上之對他

命之矣象不稱上此獨稱上者引以正下耳上君下民

而寇賊不足稱下也上主下臣而小人不足稱

下也綏民禮臣奠宅之本聖人曰其無以盜賊

若聖人之修小人亂吾民臣而因以敗吾宅乎則不剝者乎

也而聖人不復三三三復亨出入无疾朋來无咎反復其道七日來復利有

攸往○初九不遠復无祗悔元吉○六二休復吉○

六三頻復厲无咎○六四中行獨復○六五敦復元

悔○上六迷復凶有災眚用行師終有大敗以其國

君凶至于十年不克征

象曰雷在地中復先王以至日閉關商旅不行后不

省方

儀曰至日閉關商旅不行后不省方仲尼之著

此者雖以養陽晏陰順時之義為言其實以闡



象也。蓋周公曰：不遠復，无祇悔，元吉。此以去之  
不久而即來，歸慮其復萌，去志故宜，遇開靜居  
庶乎无悔而得吉也。休復吉者，詩曰：役車其休，  
休猶止也。是為開不行之象矣。頻復厲者，頻復  
則必頻出，不閉不止，是故可危也。中行獨復者，  
玄曰：信無不在乎中，黃鍾中氣與時偕行，蓋言  
日至也。獨以其日靜宴葆存，其他日則不必然。  
故曰：獨復也。敦復无悔者，聖人以一日之疑，翁

厚一歲之發生，靜故无悔也。迷復凶，有灾眚，用  
行師，終有大敗，以其國君凶。至于十年不克征  
者，此言不明來復之義，不知靜嗇而得禍者也。  
有灾眚，則內寇外侮，可虞。關何可不開？行師大  
敗，荆綦載塗，商旅何可行？君凶十年，下叛謀上，  
后何可省？方猶之彖曰：出入无疾，疾猶速也。方  
將開關，出入何宜速乎？曰：朋來无咎，商往不可  
也。朋來庶幾無害乎？曰：反復其道，七日來復，利



有攸往。王者之道。一張一弛。是爲反復。七日利。往未及七日。其姑徐徐。不省方而可乎。

### 无妄三三

无妄元亨利貞。其匪正有眚。不利有攸往。○初九无妄往吉。○六二不耕獲。不菑畲。則利有攸往。○六三无妄之災。或繫之牛。行人之得。邑人之灾。○九四可貞。无咎。○九五无妄之疾。勿藥有喜。○上九无妄行有眚。无攸利。

象曰：天下雷行，物與无妄。先王以茂對時，育萬物。

儀曰：茂對時育萬物者，何？王者敬天謹時，大配副之而已。故曰茂對對者，以時還時。春無行，夏令秋不亂，冬儀洪範曰：歲月日時無易，百穀用成。初九无妄往吉者，是也。蓋言時无妄行也。先王明時，教民稼穡。當春而耕，服牛冒物，不耕獲，不菑畲，則棄時失業。或繫之牛，行人之得，則棄資失力。利有攸往，言爲農不利，去而爲商，邑人



之灾言一農失耕百民失食以此觀之不對時  
烏乎可乎聖人之道發育萬物爲功育者正物  
之德而固其命貴乎謹藏慎開無發房宣泄月  
令曰毋變天之道毋絕地之理毋亂人之紀九  
四可貞无咎者是也蓋言物宜保固也先王仁  
愛惟謹民疾病節宣以時則灾疾不作雖有疾  
患非由氣候乖沴而生故曰无妄之疾此則不  
藥自愈無傷于育行有膏者即繇氣不調正雖

有圭砒不能爲功故曰无攸利天地不正之氣  
被人爲疾敷物曰膏疾膏之作是爲亂微以此  
觀之不育物烏乎可乎夫時行物生天之道也  
故彖歸以乾之全德曰元亨利貞匪正則不對  
有膏則不育故曰不利有攸往也

### 大畜三三

大畜利貞不家食吉利涉大川○初九有厲利已○  
九二輿說輟○九三良馬逐利艱貞曰閑輿衛利有



攸往○六四童牛之牯元吉○六五豮豕之牙○上九何天之衢亨

象曰天在山上大畜君子以多識前言往行以畜其德

儀曰多識前言往行以畜其德者蓋以初之曰

梓蒙

有厲利己者此言當初之時弱植淺測狃于世

所之不

儒所持流俗之行以此脩德坐取凶危不如其

已四字

余已蓋曰非求之前言往行不可也二曰輿說輓

極賞

者此言前往繁重與不勝載而脫蓋言多識也

此美以合

三曰良馬逐利艱貞曰閑輿衛利有攸往者此

言以今追古猶馬逐塗進無畏難退而審正馬

以逐之輿以載之識以取之畜以聚之聞見之

學歸于成德于是則可以行也四曰童牛之牯

元吉五曰豮豕之牙吉者此言畜德也觸噬不

可以為德角牙不可以謀畜牯牛豮豕凶戢而

慶彰是所為畜德也又以牛童則昧豕汚而養



移為卷

樓藏

書富

胎胎

以牯犢戒牛豕。猶以前往戒夫蒙識汚行者也。上曰何天之衢亨者。此言畜極而通也。何猶曰負蒙。莊云背負青天而莫之夭遏。多識之胸廣達。滔浩譬諸天衢。恣騁而無碍也。其在彖曰利貞者。利以前言。往行正其德也。不家食者。博聞廣見。不為拘墟。上下千古以為之資糧。豈不出戶庭。數米量腹而食者乎。利涉大川者。言犯難也。中無所畜。涉險必濡。前言往行者。大川之導。

手以資報

也多識畜德者。揭厲之謀也。

頤三三

頤貞吉。觀頤。自求口實。○初九。舍爾靈龜。觀我朵頤。凶。○六二。顛頤。拂經于丘。頤征凶。○六三。拂頤。貞凶。十年勿用。无攸利。○六四。顛頤。吉。虎視眈眈。其欲逐逐。无咎。○六五。拂經。居貞吉。不可涉大川。○上九。由頤。厲吉。利涉大川。

象曰：山下有雷。頤。君子以慎言語。節飲食。



儀曰慎言語節飲食者何蓋初曰舍爾靈龜觀  
 我朶頤凶此以靈龜不食而亦不言者也龜之  
 不食異物其不言同物然以其告人吉凶而固  
 不言似乎其能言而特慎之耳聖人則之而初  
 舍之則迷慎節之道朶頤者哆口之象也居下  
 如此則必獲禍故凶也二曰顛頤拂經于丘頤  
 征凶者顛非正辭惟頤宜之耳順頤之常言語  
 必多飲食必縱道以顛拂為貴教人慎節也然

聖經

尚以二在下无位寡言嗇奉非其所難雖慎節  
 之猶不言吉况乃縱逞窮上有如崇丘卑位而  
 好高談約居而喜奢享不慎不節往何救乎三  
 曰拂頤貞凶十年勿用者以其能拂乎頤則慎  
 言節食可以无咎故曰貞貞正也固也正誠可  
 尊固亦可疾三之所處乘權嚮用括囊并泥則  
 亦已過迷邦亂倫亦猶凶德也以其見用而若  
 不用者故曰十年勿用无攸利此明慎節之義



非為不言不食也。四曰顛頤吉。四為貴。臣居高  
 履盛。頤尤易恣。固宜顛耳。顛則不至害。成敗慶  
 故吉也。曰虎視眈眈。其欲逐逐者。此言慎節也。  
 虎威貪物。眈逐其性也。然眈眈以目逐逐于心。  
 而其頤卒不動。是明抑制克己為功耳。五曰拂  
 經居貞吉。不可涉大川者。五居君位。恭默思道。  
 不貪為寶也。故亦貴乎遏抑矯矯。常守正而吉。然  
 而不可以處險。故曰不利涉大川。何言乎涉大

聖德

識時務

為後傑

時者易

也

川也。其在上九之時乎。勢極難起。急而用。屢由  
 者。猶曰聽之顛之反也。至此教令漸繁。取予微  
 溢。揚號烹飪。疑非慎節。故曰厲厲危也。懼也。危  
 固難居。懼亦有救。以懼持之。雖多言。必有其誠。  
 雖多取。必有其制。猶之乎慎節耳。故吉而利。涉  
 也。由此而觀。慎節之義。猶曰時然後言。時然後  
 取。三以不言不食而冒凶。上以言食而出險。頤  
 可顛而不可由。而亦有顛之。而非由之。而以濟。



為後侮而者要歸于正耳觀乎願而知言語飲食之歸于

不知易者其口者非虛尚口也言必可行食期有濟有其

口之實存焉慎之節之求則得之彖曰願貞吉

觀願自求口實此之謂也

大過三三

大過棟橈利有攸往亨○初六藉用白茅无咎○九

二枯楊生稊老夫得其女妻无不利○九三棟橈凶

○九四棟隆吉有他吝○九五枯楊生華老婦得其

夫无咎无譽○上六過涉滅頂凶无咎

象曰澤滅木大過君子以獨立不懼遯世无悶

儀曰大過猶言極亂世亂則仕者見節隱者藏

名獨立不懼者與其茅榮而靡不如楊枯而立

與其棟懼而橈不如棟立而隆遯世无悶者與

其悔枯不如甘滅與其生華見醜不如滅頂免

咎也故曰藉者猶言載也取載于茅雖潔白可

觀自幸无咎而不可與立也楊枯根立譬若老



孔光鴻之  
之流于古  
汗顏

夫健凌少女陽不怯陰有利无懼也棟處梁上其體獨也橈則不立心以為凶懼之甚也棟隆不橈道勝吉也雖衆木不支其他有吝而一棟不橈是明獨立也枯楊生華當否榮祿譬若老婦逐于狡童以遜為悶不可以居苟容无禍其名喪也涉至滅頂猶澤滅木遜之深也雖枯沒為凶而其心无悶亦无咎也是故文王觀于大過而知大過之世棟橈之世也君子主其无懼

往必有為至其无悶往必不返君子之道安往不得通者故曰利有攸往亨也

坎 三三

習坎有孚維心亨行有尚○初六習坎入于坎窞凶○九二坎有險求小得○六三來之坎坎險且枕入于坎窞勿用○六四樽酒簋二用缶納約自牖終无咎○九五坎不盈祗既平无咎○上六係用徽纏寘于叢棘三歲不得凶



象曰水洊至習坎君子以常德行習教事

顏不苦孔儀曰險貴其習之也習之則視險如夷故曰習

之身而必坎坎之曰險非必憂患凜危攻難皆險也故君

子以之常德行習教事凡爻之為德行之言者

三初曰習坎入于坎窞凶者窮蹇極際猶曰深

造之也當始致功徒見艱阻而無有得故凶也

二曰坎有險求小得者猶曰既竭吾才如有立

卓爾也學力漸進時見為艱亦時有利得于心

曰德詣未極則見小也五曰來之坎坎者猶曰

取之左右逢其源險且枕者猶曰居之安也真

積致深道自來會不見坎險惟見枕安也八于

坎窞勿用者蓋言初之攻苦之加可以不事也

此德行之序也積其功以致成故曰常也為教

事之言三四曰樽酒簋食用缶納約自牖无咎

者猶曰時雨化之為中人而上言之也飲食游

息無多訊言微辭罕譬相說以解是也五曰坎



不盈祇既平无咎者猶曰引而不發中道而立  
為中人言之也記曰待其從容然後盡其聲又  
曰不陵節而施是也上曰係用微纏寘于叢棘  
三歲不得凶者猶曰以杖叩其脛為中人而下  
言之也記曰夏楚二物以收其威又曰不變移  
之郊又不變移之遠又不變屏之遠方終身不  
齒是也此教事之等也習其人而與之故曰習  
也二者皆至誠之道所以求通成已成物往必

有功象曰有孚維心亨行有尚謂此也

### 離三三

離利貞亨畜牝牛吉○初九履錯然敬之无咎○六  
二黃離元吉○九三日昃之離不鼓缶而謔則大耋  
之嗟○九四突如其來如焚如死如棄如○六五涕  
沱若戚嗟若○上九王用出征有嘉折首獲匪其醜  
无咎  
象曰明兩作離大人以繼明照于四方



儀曰繼明照于四方者何明照者日也禮統曰  
日實也人君之象繼日之照自新新民大人之  
學也觀于初九履錯然敬之无咎此日初出時  
也詩曰如日之升若有乘踐猶曰日乘車以駕  
六龍故曰履以其昏曉初分月星相錯故曰錯  
然也敬之者猶書曰寅賓出日傳云寅敬也六  
二黃離元吉此日中天時也黃爲中色傳曰煌  
煌似黃日午正離還其本位故曰元吉也九三

日晏之離不鼓缶而歌則大耋之嗟此日欲入  
時也日入而其光逾赫故曰日晏之離羞明者  
譌憂晦者嗟譌嗟之情晦明之象也明照出入  
具此三者大人繼之以爲明其明德亦有其朝  
晝昏暮焉九四曰突如其來如者此言德之始  
明忽然如滌亦若日初出時也曰焚如者此言  
德之旣明熾然攸灼亦若日中天時也曰夙如  
棄如者此言德之明極復晦曹然若沒亦若日



欲入時也。曷能使不明者明。明者無餘明明而復晦者。晦而復明。君子憂之。憂之則思治之矣。五曰出涕沱若。戚嗟若。吉。此言憂思哀懼誠求明而明出也。繼日之明。握明以照。可以克己。可以正邦。上九曰。王用出征。欲使四方之不明者皆明也。有嘉折首者。猶曰嘉與維新也。折首猶言崩角。亦猶言革面。獲匪其醜者。猶曰幹不庭方也。醜猶言衆。亦猶言類。嘉其不梗。誅其非類。

大兵發而萬物皆服。大明發而萬物皆照。天下莫不尊曰而貴大人也。是故彖有之曰。利貞亨。畜牝牛吉。貞慮其不繼。通慮其不及。四方也。天下皆歸文于虎豹。不知歸明于牝牛。虎豹猛而文。牝牛順而力。震用伐鬼方。虎豹之威也。離繼明照于四方。牝牛之德也。



兒易內儀以卷之四

明上虞倪元璐著

咸 三三

咸亨、利貞、取女吉。○初六咸其拇。○六二咸其腓，凶，居吉。○九三咸其股，執其隨，往吝。○九四貞吉，悔凶。○憧憧往來，朋從爾思。○九五咸其脢，无悔。○上六咸其輔頰，舌。

象曰：山上有澤，咸。君子以虛受人。



好居之身  
良箴也  
為學始  
虛書紳

儀曰君子以虛受人曷言乎虛也其中空空若  
無有物無物則不逐物而動其身甚靜聽物來  
歸而不辭故曰受也若夫初之咸拇二之咸腓  
三之咸股四之憧憧往來上之咸輔頰舌皆為  
踈動自用好居物先物不能入有拒無受者也  
惟居則吉惟貞則吉悔凶惟悔則无悔居者守  
內不移往來之反貞者循常無惑憧憧之救勝  
者背肉至靜拇腓股頰所不得牽皆為靜虛無

寂  
正身好禮  
亦靜加一受也

係因物而應淵乎有容以受為德者也然而受  
之為言猶鑑空懸物自形獻既非我往隨物亦  
非人來從我三惟咸股則有執隨之吝不靜其  
幾必為物役矣四惟憧憧則有朋從之擾不虛  
其體物思附之矣夫隨非受也朋之從之非其  
受也所以象曰亨利貞蓋言通物之情貴其靜  
正也曰取女吉者婦執隨有朋女則不然中無  
係而體孤也無隨可執朋亦不得從君子求之



斯受之耳天下莫虛于女也

恒三三

恒亨无咎利貞利有攸往○初六浚恒貞凶无攸利○九二悔凶○九三不恒其德或承之羞貞吝○九四田无禽○六五恒其德貞婦人吉夫子凶○上六振恒凶

象曰雷風恒君子以立不易方  
儀曰立不易方者何也蓋言立乎其處而不遷

此為恒  
義之神

也立乎其處而不遷者是謂常居是地也既取諸常居是地則不常居是地而遷焉者是謂不恒其德而可羞而不獨此也既以不遷之謂常又謂是不遷者不足以盡常更進而深求之此即已易方而不恒也而又謂是不遷者又疑有變今更振作之以必使之無變此亦已易方而不恒也故初之浚恒上之振恒與三之不恒同德而皆凶也必也九二之悔凶乎何謂悔凶凡



進而不擇所安則悔退而忽失所持則悔其  
有悔必將變矣其情多變悔愈有矣今日悔  
明乎其居安而不易也必也四之田无禽乎何  
謂田无禽凡有獲必失得失遷流以生徵逐今  
田无禽則無所得也白无禽不曰失禽也無得  
無失是其常不易有而无也必也五之恒其德  
貞婦人吉乎何謂婦人吉也婦人從一不可易  
夫易夫則不婦夫可以易婦也故以夫子之道

可居  
德  
以  
居

居德則不恒而凶以婦人之道居德則有恒而  
吉也夫恒之為德非拘常也立不易方之為義  
非株守也觀天下之會通而无咎者其究歸于  
貞耳由是則可以周流六虛而無碍惟不易故  
易也彖故曰亨无咎利貞利有攸往也

遯三三

遯亨小利貞○初六遯尾厲勿用有攸往○六二執  
之用黃牛之革○九三係遯有疾厲畜臣妾吉○九



四、好遯○君子吉○小人否○九五嘉遯貞吉○上九肥遯无不利○

象曰、天下有山遯、君子以遠小人、不惡而嚴

儀曰遠小人、不惡而嚴者、何勢在小人、君子道消去而遠之、非為逃禍也、君子欲以遯亢其道、亦使小人知君子不苟富貴、小人不可以富貴、君子則勝氣在君子、此以為惡、則不惡、以為不嚴、則嚴也、初曰遯尾、遯至于尾、無餘遯也、此繇

君子死  
小人死

此於  
消快  
之極

其思危而力猛、故曰厲厲之為義、具危與猛、兼辭也、勿用有攸往、亦兼辭也、勿往、攬小人、以明不惡、勿往、就小人、以示嚴也、二曰執之用黄牛之革、莫之勝說、執而不脫、志必欲遠之也、君子得時而升、則為虎豹之變、不得時而駕、則為黃牛之革、牛力敵虎豹、而不見可畏、黃中君衆色、而無所示威、不見畏、示威者、不惡也、貞力而執中者、嚴也、三曰係遯、有疾厲者、遠之已矣、牽拘



不犯此

不化已甚生亂道亦可危故誠之以畜臣妾吉  
畜之如臣妾者不惡也以臣妾畜之者嚴也四  
曰好遯者好讀如字猶言不惡也終于君子吉  
而小人否不使小人得加于君子者嚴也五曰  
嘉遯者嘉猶言好也不惡也終于正人吉不貶  
正以趨凶者嚴也上九肥遯有寬無迫示之廣  
大者不惡也終于无不利不使小人得以害道  
傷正者嚴也由此觀之君子之決于遯者惟慮

恃之他山  
石可攻也

小人不利君子耳甚矣小人為難養也近之不  
利惡之不利不嚴之亦不利所貴乎遯者貴其  
轉因為亨而不受小人之害反若小人之有利  
于正者故曰遯亨小利貞也

大壯三三

大壯利貞○初九壯于趾征凶有孚○九二貞吉○  
九三小人用壯君子用罔貞厲羝羊觸藩羸其角○  
九四貞吉悔凶藩决不羸壯于大輿之輟○六五喪

見易內義以 卷四



羊○于○易○无○悔○ ○上六○羝羊觸藩○不能退○不能遂○无攸  
利○艱○則○吉○

象曰○雷在天上○大壯○君子○以○非禮○弗履○

儀曰○非禮○弗履○系于大壯○凡敢于冒非禮而行  
者○皆天下之強有力人也○夫禮德之藩也○擊虞  
曰○羊淫而狠○淫則蔑禮○狠而敢為○故凡爻之曰  
藩者○皆言禮也○曰羊者○皆言非禮而履者也○其  
曰羝羊觸藩羸其角者○此心欲棄禮而勢不得

行○徒自傷者也○曰羝羊觸藩○不能退○不能遂○无  
攸利者○此錯趾非禮而尚不敢顯然自恣徘徊  
其間者也○曰藩决不羸○壯于大輿之輟者○此無  
忌憚○小人又乘可為之勢○悍然叛棄禮法○决藩  
而出○如游大通者也是故○君子謹藩而與觸也  
觸之不已○必至于决藩决四達化而為輿是故  
君子惡夫羊也○非禮勿履○莫如喪羊○羊喪則藩  
存○爾愛其羊○我愛其禮也○易猶疆場也○喪羊于



身身內傳  
卷四  
場望藩而退戒非于履望禮而凜由此言之人  
不可不謹所履也履之不謹咎在其趾壯趾征  
凶小人用壯者也貞吉艱吉君子用罔者也小  
人自用而孚窮君子若無而悔凶非禮之禮烏  
可履乎取諸審固而不回故彖曰利貞也

晉三三

晉康侯用錫馬蕃庶晝日三接○初六晉如摧如貞  
吉罔孚裕无咎○六二晉如愁如貞吉受茲介福于

其王母○六三衆允悔凶○九四晉如鼫鼠貞厲○  
六五悔凶失得勿恤往吉无不利○上九晉其角維  
用伐邑厲吉无咎貞吝  
象曰明出地上晉君子以自昭明德  
只一求諸己

儀曰君子自昭明德者何也晉之爲言升舉也  
其象揚上聖人引而內之歸諸闇修故曰自昭  
猶曰吾自明吾德耳德明則晉不明則退於遇  
之升沈無有也觀于爻之初曰晉如摧如貞吉



罔孚○裕○无○咎○則○知○晉○而○得○權○不○足○患○也○德○昭○而○  
不○失○其○正○雖○摧○亦○吉○也○雖○不○信○于○上○而○德○有○餘○  
明○則○亦○无○咎○也○觀○于○六○二○之○晉○如○愁○如○貞○吉○受○  
茲○介○福○于○其○王○母○則○知○不○晉○而○愁○亦○無○益○也○惟○  
固○其○德○不○失○吉○也○父○外○而○母○內○也○母○親○而○王○母○  
尊○也○求○章○于○闇○抗○德○于○無○加○則○為○大○福○也○觀○于○  
六○三○之○衆○允○悔○凶○則○知○人○共○知○之○為○貴○不○如○心○  
无○悔○之○可○安○也○觀○于○九○四○之○晉○如○鼫○鼠○貞○厲○則○

知○不○務○明○其○德○而○求○晉○其○身○其○情○有○如○鼫○鼠○雖○  
或○分○所○應○得○未○失○其○正○而○亦○可○危○也○觀○於○五○之○  
悔○凶○失○得○勿○恤○往○吉○无○不○利○則○知○苟○德○明○于○已○  
悔○凶○于○心○即○名○位○失○得○可○以○勿○論○无○往○不○吉○而○  
升○沈○皆○利○也○觀○于○上○之○晉○其○角○維○用○伐○邑○厲○吉○  
无○咎○貞○吝○則○知○雖○位○之○崇○無○廢○內○治○以○其○晉○角○  
位○極○故○危○以○其○伐○邑○內○治○故○吉○无○咎○貞○而○猶○吝○  
者○以○其○勢○重○而○道○未○易○光○亦○知○晉○不○在○位○也○而○



又觀于象之康侯用錫馬蕃庶晝日三接則知  
侯以安國之德晉也禮曰天子五年一巡狩觀  
諸侯有功德于民者加地進律詩曰王遣申伯  
路車乘馬又曰申伯之德柔惠且直揉此萬方  
聞于四國又曰既見君子為龍為光其德不爽  
又曰載見辟王曰求厥章龍旂央央絳革有鷩  
休有烈光皆為諸侯以明德蒙錫被禮遇于天  
子之詞也

明夷



明夷利艱貞○初九明夷于飛垂其翼君子于行三  
日不食有攸往主人有言○六二明夷夷于左股用  
拯馬壯吉○九三明夷于南狩得其大首不可疾貞  
○六四入于左腹獲明夷之心于出門庭○六五箕  
子之明夷利貞○上六不明晦初登于天後入于地  
象曰明入地中明夷君子以蒞眾用晦而明  
儀曰詩云有夷之行又曰降福孔夷書曰受有



億兆夷人夷猶言平也。明夷者，蓋言日升而就  
 高為明，降而就平為晦。蒞眾用晦而明者，此言  
 眾不可以明明之聖人將動，必有愚色察繳之  
 明，非明也。是故觀于垂翼倦飛不食阻饑，則知  
 晦矣。觀于攸往化行有言聲振，則知明矣。觀于  
 左股之夷處下跼蹐，則知晦矣。觀于壯馬用拯  
 不脛而馳，則知明矣。觀于南狩明夷失其離照，  
 則知晦矣。觀于得其大首化疾為喜，則知明矣。

觀于入于左腹匿幽不揚，則知晦矣。觀于明夷  
 獲心意得而出，則知明矣。觀于箕子囚商為奴，  
 則知晦矣。觀于箕子入周而封，則知明矣。凡此  
 五者，非幸其在晦而明也，蓋嘉其用晦而明也。  
 何以言之也？今使飛不垂翼，則是不就下也行。  
 必得食，則是不虛中也。眾何由戴而信之，而往  
 必利言必應乎？今使左股不夷，則棄物自用，壯  
 馬何繇效拯而得吉乎？今使居尊馭遠而不少



唐德宗神功而昭者也

降威何繇得羣策之升而得其大首不為病乎  
今使不入左腹而沈其慮何繇可得志門庭之  
外乎今使箕子先不佯狂而為奴何繇得入周  
而陳其疇範乎此為用晦而明蓋為不用晦不  
可以明凡蒞衆之所以不明而晦者由其用明  
而晦如日之初登于天而後入于地也若使初  
入于地後登于天是為用晦而明者矣道莫利  
于阻深專固以養晦而裕明故曰利艱貞也

家人三三

家人利女貞○初九闕有家悔亡○六二无攸遂在  
中饋貞吉○九三家人嗃嗃悔厲吉婦子嘻嘻終吝  
○六四富家大吉○九五王假有家勿恤吉○上九  
有孚威如終吉

象曰風自火出家人君子以言有物而行有恒

儀曰言有物行有恒者守繩蹈常必信必果所  
以教家也故曰閑有家立木于門以制出入一



言一行必循乎此。如是則悔亾也。故曰无攸遂。在中饋。无攸遂者。謹言拘行也。在中饋。則言中饋。其行亦不離乎中饋。如是則正而吉也。故曰家人嗃嗃。悔厲吉。婦子嘻嘻。終吝。嗃嗃者。繩簡之過。嘻嘻者。踰蕩之漸。與婦子處。而詭變為通。終必吝也。故曰富家大吉。有物則其藏實。有恒則其澤長。是所為富也。法言。矩行滿其家。不謂之富家不可也。故曰王假有家。勿恤。言行動

如可也  
富已矣

乎天地儀正而聲聞。家成教于國。國取法于家也。故曰有孚威如。終吉。以法正言行。則可信。以執物治家。則有威也。凡聖人之致嚴。家人如此者。誠以家道之敗。繇于女德。女德不終。繇于柔昵。聖人矜言慎行。寧固毋通。蓋欲使女之敬男也。女敬乎男。家無不正矣。故曰家人利女貞。蹇。蹇然有物。有恒貞之教。貞也。教女貞者。豈可使之託于大人之德乎。



睽三三

睽小事吉○初九悔凶○喪馬勿逐自復見惡人无咎  
 ○九二遇主于巷无咎○六三見輿曳其牛掣其人  
 天且勦无初有終○九四睽孤遇元夫交孚厲无咎  
 ○六五悔凶厥宗噬膚往何咎○上九睽孤見豕負塗  
 載鬼一車先張之弧後說之弧匪寇婚媾往遇雨則  
 吉

象曰上火下澤睽君子以同而異

屬上事

如弗退

不生和

韓花所

以茲有干

古

儀曰君子以同而異者何夫同異之道相環也  
 求同必取諸異求異必得其同仲尼之曰同而  
 異本乎周公之曰異而同其實一也故曰喪馬  
 異也曰勿逐自復異而同也惡人異也見之无  
 咎異而同也不庭而巷異也終必遇主異而同  
 也輿曳牛掣天且勦異也无初有終異而同也  
 睽孤異也遇元夫交孚異而同也噬膚則傷異  
 也往慶无咎異而同也見豕負塗鬼車張弧異



也○後○脫○婚○媾○遇○雨○往○吉○異○而○同○也○以○異○而○同○猶○曰○以○同○而○異○也○君○子○之○與○物○貴○其○小○異○以○為○大○同○苟○求○大○同○宜○為○小○異○故○曰○睽○小○事○吉○也

蹇 三三

蹇○利○西○南○不○利○東○北○利○見○大○人○貞○吉○○初○六○往○蹇○來○譽○○六○二○王○臣○蹇○蹇○匪○躬○之○故○○九○三○往○蹇○來○反○○六○四○往○蹇○來○連○○九○五○大○蹇○朋○來○○上○六○往○蹇○來○碩○吉○利○見○大○人○

益 自反

象曰山上有水蹇君子以及身脩德

儀曰反身脩德者何詩曰威儀反反益言進止

知

益夫子

你亦易也

往來也○君○子○進○而○脩○業○反○而○脩○德○往○以○治○人○來○以○治○己○進○反○之○義○猶○云○往○來○仲○尼○之○言○脩○曰○反○者○取○諸○六○爻○之○言○往○曰○來○也○初○曰○往○蹇○來○譽○往○而○得○蹇○非○身○咎○也○來○而○有○譽○非○人○力○也○此○言○反○也○二○曰○王○臣○蹇○蹇○匪○躬○之○故○蹇○而○又○蹇○遇○斯○窮○也○非○其○身○之○故○德○自○脩○也○此○言○反○也○三○曰○往○蹇



來反往不得往故見蹇也來之又來反必得也  
此言反也四曰往蹇來連往而責世其道睽也  
來而求已其類同也此言反也五曰大蹇朋來  
進而多懼禍之聚也退而不孤德之隣也此言  
反也上曰往蹇來碩吉利見大人往之曰蹇蹇  
由人也來之曰大大在身也小人造蹇大人造  
脩也此言反也此明君子之于世進有蹇也反  
無蹇也凡地勢自北而東曰趨進也自南而西

曰趨反也東北艮所險阻難行西南坤維靜翁  
中美君子反求諸身承天而親聖人何蹇之有  
哉彖曰利西南不利東北利見大人是其義也

解三三

解利西南无所往其來復吉有攸往夙吉○初六无  
咎○九二田獲三狐得黃矢貞吉○六三負且乘致  
寇至貞吝○九四解而拇朋至斯孚○六五君子維  
有解吉有孚于小人○上六公用射隼于高墉之上



獲之无不利

象曰雷雨作解君子以赦過宥罪

儀曰君子以赦過宥罪者何書曰宥過無大刑故無小過者誤繇無心所謂膏災此宜原宥故者有意為惡是為姦宄所必刑誅曰過則無大者曰故則無小者宥不宥大刑不刑小也此知君子所赦宥者必其可原者也有赦宥宥必有其不赦不宥者也君子之所為赦宥者四初之

无咎二之三狐四之解捩五之維解是也何以言之初以事勢未歸雖不能有為無解于過然固不可以其咎咎之也三狐朋陰而地卑無恃雖執獲之黃金鈞矢罰作贖刑亦不失其為正而吉也四捩錯趾過始見端尚可以眾正之力制之而轉敗為功解之而孚也君子罹羅解之其正即小人之可得而感孚者解之亦未為不吉也凡此四者皆書之所稱過誤膏災君子之



所赦宥者也。若夫負乘致寇，盜位釀禍，則無赦。詞莽戎升墉，獲醜獻功，則無宥法。君子赦過宥罪，豈赦亂國之小人，宥干紀之寇賊乎？然而三曰貞吝，雖法之正，而中有牽疑。猶書云：雖畏，勿畏。無僭亂辭。上曰獲之，无不利。雖正厥辜，而蒙恩者衆。猶書曰：殲厥渠魁，脅從罔治，則亦終歸于赦宥而已。彖曰：利西南者，坤德廣生，示之舍弘也。无所往者，不往而厲求之也。來復吉，有攸

往夙吉者，欲其遷善急速，如雷之不終。曰水之渙渙然也。雷水曰解，取諸此也。

### 損三三

損有孚，元吉，无咎，可貞，利有攸往，曷之用。二簋可用享。○初九，已事遄往，无咎，酌損之。○九二，利貞，征凶，弗損益之。○六三，三人行，則損一人，一人行，則得其友。○六四，損其疾，使遄有喜，无咎。○六五，或益之，十朋之龜，弗克違，元吉。○上九，弗損益之，无咎，貞吉，利



有攸往得臣无家

象曰山下有澤損君子以懲忿窒欲

儀曰懲忿窒欲者忿欲皆以不化之心為已成  
之事懲之窒之使速遷化歸于无過耳故曰已  
事過往无咎也或不能驟除以漸酌減之故曰  
酌損之也懲窒之者固持而不使得行行則有  
害益以忿欲弗日損則必日益故曰利貞征凶  
弗損益之也心一也忿欲參立而三苟使忿欲

與心並立則必損其心惟一心自正則得懲窒  
之助故曰三人行則損一人一人行則得其友  
也忿欲皆疾也懲窒之則疾去而喜故曰損其  
疾使過有喜无咎也忿由于踈欲生于見可欲  
故曰益之十朋之龜弗克違者有二義焉一則  
以龜之靜教之使之遵守弗違以制忿也一則  
以十朋之龜之可欲試之貴能弗違其本心以  
制欲也故曰元吉也夫于忿欲為損者于心為



益然則非損也。益也可以補過，坐進于道，故曰  
弗損益之无咎。利有攸往也。心與忿欲，至臣之  
辨也。心有主則忿欲皆受制于心，而爲之臣不  
家于心，而與之處。故曰得臣无家也。由此則知  
懲窒之與心孚，可以長善而救過。居正而利行  
也。故曰有孚元吉，无咎可貞。利有攸往也。何以  
用之？用之享祀，入廟而敬，忿不期懲，而自懲。享  
用薄物，明水告虔，欲不期窒，而自窒。人無以忿

享者，而又何欲于二簋？故曰曷之用，二簋可用  
享也。

### 益三三

益利有攸往。利涉大川。○初九，利用爲大作，元吉，无  
咎。○六二，或益之十朋之龜，弗克違，永貞吉。王用享  
于帝。○六三，益之用凶事，无咎。有孚中行，告公用圭。  
○六四，中行，告公從，利用爲依遷國。○九五，有孚惠  
心，勿問元吉。有孚惠我德。○上九，莫益之，或擊之，立



心勿恒凶

象曰、風雷益君子以見善則遷有過則改

儀曰、見善則遷有過則改者益言聖脩也善日

遷而愈有過日改而至無此非聖人不能賢人

為之亦必至于聖而後已其奮迅決驟動乎非

常足當大事爻之曰利用大作元吉无咎似謂

此也其遷善以趨吉改過以避凶足當蒼龜之

德爻之曰或益之十朋之龜弗克違永貞吉亦

似謂此也窮理盡性則至于命齋戒沐浴可事

上帝足當天人之際地天之通爻之曰王用享

于帝亦似謂此也徙變震厲足當凶事有善无

過足當中德公者人臣之極圭者無瑕之純善

極无加過銷至盡足當公圭之義爻之曰益之

用凶事无咎有孚中行告公用圭亦似謂此也

德惟日新改過不吝足當成湯之建中告過則

喜告善言則拜足當由禹之從人用德彰厥善



深心。君子

無起穢自臭。足當盤庚之遷國。爻之曰中行告公從。利用為依遷國。亦似謂此也。君子之見善也。不期遷而遷。其有過也。不期改而改。中心誠然。非必以是為吉。而為之。為之不已。其究至于無善。可遷。無過。可改。足當大順之德。爻之曰有孚惠心。勿問元吉。有孚惠我德。亦似謂此也。苟不其然而見善。不遷。寧有長益。有過不改。必承擊伐。離宗變常。足當凶人之為不善。爻之曰莫

益之。或擊之。立心勿恒。凶。亦似謂此也。夫惟見善必遷。則曰進而上行。有過必改。則出險而有濟。足當聖人之適變。君子之經綸。象之曰利有攸往。利涉大川。亦似謂此也。



内傳

卷四

三





